

XIV. La Véra tra Ampëz e Marò.

Chianté chianti la véra sangüinòşa,
Tra Maròi, Chiadorins e Ampezan' fata,
Per at' dë crodeltè dër spaventòşa,
Ad èster bëgn descrita e tratada ata.
Les batalies crodèles dirai e dures,
6 K' á fat tan dë comúnes plù kě pures.

Düt rendenësh, valons, crëp ed altèzes;
Pif, paf, puf, pif, paf, puf! sù per Fodara;
Pif, paf, puf, pif, paf, puf! fina in Chiavèzes.
La véra e l šesür rüa kina a Armentara.
Dal dí spaventa dlone les stlopetades,
12 Dë noet sprigora tért les sfogatades.

Dë les batalies longies gran Fodara
È la gáoza, lapró la mont dë Fóses;
Còi Chiadorins va ki d' Ampëz inch para,
Adüm fégi tē dutes kèles cóses,
Kě pé per bat Maròi dër adatades,
18 Si spó bones o rīs ed indiaolades.

An' ed an' á dorè tra d' èi la véra;
Les monts, les valz, dë mórt' èles corides,
Mai tría, mai pèz da n pèz n' á kèla téra;
D' i crëp les rises pé iló trës daorides
Per dloti mórt', jetá jù tē fezúres
24 Da maus crodèles, zënza pietè e dures.

Dë kèla confúzion ón na finada,
Na dezizion ó düt' kě sibě fata;
Kě dūta la rejon sī bëgn stodiada
E sùl confin la córda del lunc trata;
I térmoi sī mazá dó kèla avişa,
30 Scëc. èi è batús da dī sùn mont d' Inzişa.

Dai póst' scognüs sě lévi dūt' atira,
576 Salté salti da olá kě l šelo i tira.

Scèc léc stlūt dūt incěrc da la natūra,
Can k'ěl pó da val pért fa na sbrocada,
Tól saš e lěgns intīrz, tóć' dē pastūra,
Chiamp, pra, chiaşes, mažons tē na stlop'tada
E cūr dūt cant dē smōia, dē róa slargiada,
582 Olá kě l'ēga pasa e sě fěž strada;

Inscí vėgn šėgn ten còlp con sbonf e fórza
Dē Sénes, del vałon dē Rūdo armada,
Fornida d'érmes taiēntes scèkě smórza,
Agozades con dēr bona amorada;
Rendeni fėgi, scraian con ūž salvara,
588 Dūt' ki crēp, Sénes, Fanes e Fodara.

Šėgn scomēncia la véra spaventōşa
Contra ki dē Chiadūra e de Cortina,
Sērā it da vigni pért da gēnt rabiōşa
Per litighes, kě mai nē rŭa e ne fina;
L sēn da an' ed an' tegni it, šėgn ciafel aria
594 E rompfóra con fŭria dūt salvaria.

I Maròì, trasportá da rabia vércia,
Bat in tóć', fěž dūt pēē dē chiēz k'ēi inconta.
Scèc cér dotòrz, per tó a amaré la mércia,
Taia, bėgn kě l'amaré sē para e imponta,
Dūt l còrp in tóć' e l lascia zēnza vita,
600 Contēnt' d'avēi podŭ fa dō bēla ita;

Inscí trata i Maròì ki dē Chiadūra;
Ēi táia, fōra, vėi pēta, bat e zéra
E sbodelēia dūt cant a gran tortūra
Chiēz k'ēi vėga toran pért a la véra;
Şables, lances, stlóp, fŭrchies e manáres,
606 Kēstes è dē kěl dí les bŭrtes ares.

Bazilio dē Runcač è scèc na fùria;
Con na manéra in man batel a téra
Chièz k'èl inconta, rī angiol dē la mūrìa;
Con gran fringòns odón fagean la véra
E Téodóro e Mikīl, trami dē Cóstà;
612 Dē mórt següda è ki dòl la ria pósta.

Con distenzion tra ki da les gran lances
Fichia Lézio, Tomés, Laorènz da Brúscia;
Al nenni déora ki vènter e pances
Scèc brítola dē nùš déora la scúscia;
Les pèdies dē ki trèi vè dlong m.arsciades
618 Da ferides e búrtes sanlasciades.

Dē fùrchia i capi è Lúpo dē La Sala,
Só bon compagn Linért, nasciù s'a Fréna,
Plazido dē Plazóres, bon tē stala,
Ùgo d'Andrá, dē Bérto fi e dē Ména,
Silvèster dē Stivé, l plù jon d'armada,
624 Chiašan dē Caşun, l prum dē la tlapada.

Di ves òi şegn chiamó i plù bon' dē şabla:
Amadío dē Janin, Gabriél dē Cròsta,
Bernért d'Aròt, k'ava perdú na sciabla,
Pio dē Plaza, con pèl del mūs bèl ròsta,
Domēnē dē Fordí, Páol dē Costata;
630 Dē şabla fóva i miūs kis dó la rata.

Búrta, grana, erodèla e spaventòşa
È tra Marò e Lombért' t'a Rù la véra;
Tamers, la bèla mont, per ciuf coriòşa,
È corida dē mórt', jetá per téra;
Èl n'è dē Marò, plù n'èl dē Chiadúra,
636 Kē dórm per trés sùn kèla gran largúra.

I Chiadorins ed Ampezan' la zèdē,
Incercená da trèi pèrts scèc èi fóva;

La maiú pért mës mori zënza remèdë,
D'atri sciampā dë chi vérs k'ëi podóva,
Mò gonót fói fermá da na sbarada,
642 Per comiè dai Maròi dó d'ëi tirada.

Fenida vè tra Ampëz, Marò la véra,
La vitoria a costé troep e chi masa;
Col'tada vè dë sanc dūta la téra,
Aspeté pón iló troepa érba grasa.
I Maròi, la vitoria ái davagnada
648 E i Chiadorins á tūt la retirada.

Destemüs è i Talian' iló per téra;
Tra i mórt' èl i feris, kō baodiëia e gëma,
Së berdòra, së palpa, tira e zéra,
Scráia, préia, chiara, despèra con blastëma;
I Maròi vèga i mórt' e les ferides,
654 Mò les ingiuries n'è chiamó fenides.

Dūt ten còlp diš n Marò dë gran sapiënza:
„Vadagnè ons şëgn con pëna la vitoria,
Fat ons la véra con inteliğiënza;
Meritë zënza dūbë ons dūt' gran gloria;
Bon féz dó gran' strabač picera festa.
660 Şëgn kē la gënt è bëgn saorida e mèsta.

La fësta, k'i á tel chiè, è dë les plū bëles:
Kidlë kidlons tē kesta gran planūra,
Nó per pèst forni sū dūt dë cordèles,
Mò per gloria ed onòr e per bravūra;
La pastura kiló sī la kidlára,
666 Èla è bèla da plan scèkē n'avára!

I mórt' talian', destrat' per les colines,
Ki sī, bī vèrt' a dërta sū, nūš kidli!
Per cògores les tèstes chiadorines
Nes servirá, magari chi da pīdli!

Trèi bót' poròm orons bëgn nes cónzèdè;
672 La kidlára argignèdè e spó tirèdè!"

Da düt' è la propósta bëgn laldada;
Chiamó na òta scomència l júc dè véra,
Mò còi feris e mórt' l'án impiantada,
Kě zënza aiút e defèza è iló per téra;
Chiès e córp plù dè dòl cènt prèš abinen,
678 Con kël bür júc ki pùri mórt' scütinen.

L comandant, l pròs Bracon, vègn dè Fodara
Dó avèi paré in malóra l rèst dè Chiadúra;
Èl vègn sùn só chiaval ed atri para;
Sporoman val per kèla gran largúra,
Rüva, l chiaval düt mól, sùn kèla plaza,
684 K'è dal júc indiaolé agiada e düt paza.

L Bracon vèga dan èl là gran vergògna;
Èl chiara dī e nē pó crèi kël k'èl vèga:
I sū t' infamia stradòt' scèkě tē rògna,
Kě nē pó èster lavada mai con èga,
Mò mēsa gni còl fēr lorènt borzada,
690 Šē l'infetazion dēs èster levada.

Batalia á l bon Bracon tra d'èl plù dūra,
Plù ria da davagnè kē la ria véra
Vènta con ki d'Ampèz e dè Chiadúra,
Bëgn k'èla sibē stada plù kē chiéra;
Mò calmé só sēn digel solamēnter:
696 „Vergognüş, sū i jonēdli snèl keš mēnter!"

I Maròl l gran tórt fat dad èi capēsci;
Al Bracon, kē pó l'angiol dè vendēta,
Zënza dī sē pensé stimi e obedēsci
Per èster l plù gran òm dè la bakēta;
Da pért lascé l kidlè i chiapī sē lévi,
702 Per i dešonorá injonedlá stévi.

I onòrz fègi spó ai mórt' dē conveniënza,
I sepolēš dūt' cant' tē la planūra,
Talian' e Ladins zënza desfarënza;
Fenida dūt incērc la sepoltūra
Onorēii i mórt' chiamó con trēi sbarades,
708 Kē rendenēš dai crēp con gran tonades.

Fóra per Val sen vëgn indó l'armada;
L Bracon sùl bèl chiaval, kēl va danfóra,
I Maròì dō con cīra consolada;
N vèdl tambūr sona Tita da Fordora;
Chiantan, cigan al Plan rivi da sēra;
714 Feni ái la véra t' ostēria a la Stēra.

Véra crodèla e búrta è kēla stada,
Mò plù búrtes chiamó è les conšeguënzes.
Dó kēla véra trēs è la valada
Da búr signái, da strabúrtes potēnzēs
Vižitada con gran dan dē ki pasa
720 E sù là noet sē fida a tórt troe masa.

N iágher vestí dē vèrt da noet scorēnta
Gonót t'a Támers vèga ki s' iufida
A traversé la mont rica dē mēnta,
Scèc fageó zënza pòra n cēr vèdl Bida
Na òta k' ēl gī a chiamurē dē contrabándo,
726 Mesan skivè per kēš l tēmp d' érgobándo.

L Bida, n' iadē revè pró na chiaşòta,
Al apēna fat fuc tē kēla bérchia
Per sē scialdé tē kēla útia dūt ròta,
— La sgnápa ál mèfo dēr t' la man k' ēl chiérechia —
N šeşur aldel scèc dūt gis in revina
732 E k' ēl gnis dē ki crēp na gran levina.

El salta fóra d'útia, chiara e ciütia;
Na gran tlapada vèghel dē gran chiòres,
Kē pasa dlou saltan n pù sòt kēla útia:
— Dal Plan da lonč sarála al plü dūs òres —
N gran bēc fòse èl t'a mèz kēla tlapada,
738 Kē còl' iágher vèrt salta dē boriáda.

D'atres òtes chiamó té maskerades
Odú ál, scèc èl contā, nòš bon vèdl Brida:
L medemo iágher dūt vèrt fagean saltades
A mèz dòl bür chians, chièz k'èl vègn a frida,
Con šesür, véra, scráis, ürli e té fùra,
744 Kē ki crēp pél kē vadē sòt e sùra.

Dlon saltan vai sù e jù per la valada,
L' iágher t'a mèz, i chians a ciampa e dërta;
Gi vai, scèc èi sciampès da val scoriada,
Dē bóta, sī la strada dërta od èrta;
Mò chièz k'èi ciafa in strada, skérzi e zéri,
750 Scèc fèz i gran' sasins, gonót chi i léri.

Na pùra mütta fól n'iad' dē Meghita,
Kē vardava t'a Támers bös e bīsces;
Inòm āla, segü l sai, Margarita;
Sùn stran dormila zënza lèt e cīsces
Ten piz dē la chiaşòta bëgn conciada,
756 Dó d'avèi cené žūfa bëgn smalzada.

Ía da rù dē Würz tért na òta èla geüda;
Da impli d'èga sül chiè āla na barícia;
L' iágher vèrt e i dòl chians l'á da iló odüda,
Scarzada l'ái, scèc fèz giat con sorícia;
I chivèis án ciafé dó solamënter,
762 Mengiè dūt l'ater s'ái ki bonamënter.

Péz nê n'èl plù tē kēla gran valada,
Fata k'è stada kēla bŭrta véra;
Inkina mai i bī ocī l'á arbandonada
Per kiri d'atri paíš ed atra téra;
Ater nê vèghen plù iló kē cornidles,
768 K'an alda gracedan scèc vèdles nidles.

Šě mesès n'iadě o l'ater tó la strada
Dě noet per Val dė Rŭdo vérs Fodara,
Chiarèd' d'avēi tē gófa la raíš „Pada“,
K'á salvé nós bon Brida da mórt rara;
Ciafé la ciafarès sòt na gran ciòscia,
776 La ciòscia ves dirá la scóla fòscia.

XV. L Bracon e l Dragon.

Sŭra Badía bēgn n'òra grana e intīra
Vèghen na dlīza sùn na gran colina,
Chiaşa per ki kē prēia crida e leşīra;
Picera vè la dlīza, d'ért pŭc fina,
Mò ěla contēgn n miráco, na crŭž santa,
6 K'ėzaoděš l pichiadŭ, kē prēia iló e chianta.

Per revè sŭ ě sfadiòşa e ria la strada,
Mò can k'an ě revá, sēnten ligrēza
Per òster pró la crŭž in alt alzada;
Vista góden iló dė contentēza:
La val del Gader, Pŭtia, Marmolada,
12 Gherdenácia, Boá, Cisles ě in parada.

Sŭra la dlīza s'alza a gran altēza
N crēp dit „Sas da la Crŭž“ da gēnt ladina;
La Varèla, bēl crēp dė gran longhēza,
I fēž compagnia scèc bona vīgina;
A sŭ pīš ái la bēla mont dė Fanes,
18 Abitada denant da troepes Ganes.